

Վարչական վարույթը վերսկսելու և վարչական տույժ նշանակելու մասին

«23» դեկտեմբերի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Հաֆեզ Հեյդարի Յուսեֆզադեհի (անձնագիր՝ X53203934, հասցե՝ ԻԻՀ, ք.Ջուլֆա, Նեբովաթ, Մալլասադրա փողոց, տուն 36) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի ապրիլի 02-ին ՀՀ ՊԵԿ ՄԴՊՎ ՍՏ բաժնի Մեղրիի բաժանմունքի աշխատակիցները Մեղրիի մաքսային կետ-բաժնի տարածքում զննության են ենթարկել ՀՀ-ից ԻԻՀ մեկնող ԻԻՀ քաղաքացի Հաֆեզ Հեյդարի Յուսեֆզադեհի կողմից շահագործվող «HOWO» մակնիշի, 40A477/8-10 հաշվառման համարանիշի /կիսակցորդիչով/ բեռնատարը, ինչի արդյունքում, նշված տրանսպորտային միջոցի /բեռնատարի/ տարբեր հատվածներից հայտնաբերել են մաքսային հսկողությունից թաքցված մի շարք ապրանքներ, մասնավորապես՝ վարորդի խցիկի քնելու համար նախատեսված հատվածի ներքնակի տակից հայտնաբերել են ծածկոցով փաթեթավորված 1 հատ հորատող հաստոցի գլան, վարորդի խցիկի ձախակողմյան գրպանիկից 43 տուփ, 68 կգ ընդհանուր քաշով խառատի հաստոցի տարբեր չափերի կտրիչներ, 5 հատ գազարագույն հորատման գլանի գլխիկ, բեռնատարի կցորդի աջակողմյան հատվածում ամրացված մետաղյա առաջին գրպանից 11 հատ զսպախցուկային կապիչ, երկրորդ գրպանից 40 տարբեր տրամաչափի գայլիկներ, ձախակողմյան գրպանից՝ 1 հատ յուղի պոմպ, կցորդի հատակի թաքստոցից 1 հատ յուղի պոմպ:

Փաստի առթիվ ՀՀ ՊԵԿ ՄԴՊՎ ՍՏ բաժնի Մեղրիի բաժանմունքի ավագ մաքսային տեսուչի կողմից 02.04.2022 թվականին ԻԻՀ քաղաքացի Հաֆեզ Հեյդարի Յուսեֆզադեհի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը նպատակ ունենալով պարզել քաղաքացի Հաֆեզ

Հեյդարի Յուսեֆզադեհի հաշվառման վայրը: Ի պատասխան հարցման՝ ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Հաֆեզ Հեյդարի Յուսեֆզադեհի հաշվառման վայրի վերաբերյալ տվյալներ առկա չէ:

Իրանի Իսլամական Հանրապետության քաղաքացի Հաֆեզ Հեյդարի Յուսեֆզադեհի կողմից լիազորված անձ /նոտարական ակտի կոդ՝ 545-20220701-90-6043724/ Թահմասեբ Մահմուդի Թահմասեբիֆարը /անձնագիր՝ I53041907/ առձեռն պատշաճ ծանուցվել է գործի քննության օրվա և ժամի մասին, սակայն քաղաքացի Հաֆեզ Հեյդարի Յուսեֆզադեհը կամ նրա լիազորված անձ Թահմասեբ Մահմուդի Թահմասեբիֆարը չեն ներկայացել գործի քննությունը, գրավոր որևէ բացատրություն կամ դիրքորոշում չեն հայտնել:

Վարչական վարույթի շրջանակներում մաքսային հսկողությունից թաքցված ապրանքների շուկայական արժեքները պարզելու նպատակով 07.04.2022 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով 02.06.2022 թվականին վարչական վարույթը երկարաձգվել է:

Վարչական վարույթի շրջանակներում թիվ 369 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները և վճարման ենթակա մաքսային վճարների չափերը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 426 մտից համարի տեղեկանքի համաձայն՝ 2022թ ապրիլի 02-ի դրությամբ 1 հատ հորատման համար նախատեսված պնևմատիկ հարվածային մուրճի մաքսային արժեքը կկազմեր **750 000 ՀՀ դրամ**, 68 կգ քաշով խառատի հաստոցի կոշտ համաձուլվածքից պատրաստված «ПОБЕДИТ», «BK6», «BK8», «T15K6» տեսակի շեղքերի մաքսային արժեքը կկազմեր **2 040 000 ՀՀ դրամ**, 5 հատ հորատման գլանի գլխիկի մաքսային արժեքը կկազմեր **1 050 000 ՀՀ դրամ**, 10 հատ եռաճանկ տեսակի զսպախցուկային կապիչի մաքսային արժեքը կկազմեր **200 000 ՀՀ դրամ**, 1 հատ քառաճանկ զսպախցուկային կապիչի մաքսային արժեքը կկազմեր **45000 ՀՀ**

դրամ, 5 հատ 45 մմ չափով գայլիկոնների մաքսային արժեքը կկազմեր **65000** ՀՀ դրամ, 10 հատ 43 մմ չափով գայլիկոնների մաքսային արժեքը կկազմեր **125 000** ՀՀ դրամ, 15 հատ 40 մմ չափով գայլիկոնների մաքսային արժեքը կկազմեր **135 000** ՀՀ դրամ, 5 հատ 30 մմ չափով գայլիկոնների մաքսային արժեքը կկազմեր **62500** ՀՀ դրամ, 5 հատ 28,5 մմ չափով գայլիկոնների մաքսային արժեքը կկազմեր **32500** ՀՀ դրամ, 2 հատ յուղի մատարակարման համար պոմպի մաքսային արժեքը կկազմեր **400 000** ՀՀ դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության

հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչություն՝ նպատակ ունենալով պարզել քաղաքացի Հաֆեզ Հեյդարի Յուսեֆզադեհի հաշվառման վայրը:

ՀՀ Ոստիկանության անձնագրային և վիզաների վարչությունից տրամադրվել է տեղեկատվություն առ այն, որ քաղաքացի Հաֆեզ Հեյդարի Յուսեֆզադեհի վերաբերյալ տեղեկատվություն առկա չէ:

Այսպիսով, նյութերով պարզվել է, որ 2022 թվականի ապրիլի 02-ին քաղաքացի Հաֆեզ Հեյդարի Յուսեֆզադեհը, մաքսային հսկողությունից թաքցնելով, իր կողմից շահագործվող շահագործվող «HOWO» մակնիշի, 40A477/8-10 պետհամարանիշի /կիսակցորդիչով/ բեռնատարով, ՀՀ մաքսային սահմանով տեղափոխել է ընդհանուր՝ 4 905 000 ՀՀ դրամ մաքսային արժեքով ապրանքներ, այսինքն՝ քաղաքացի Հաֆեզ Հեյդարի Յուսեֆզադեհի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 426 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Հաֆեզ Հեյդարի Յուսեֆզադեհիին ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքի մաքսային արժեքի չափով՝ **4 905 000 /չորս միլիոն ինը հարյուր հինգ հազար/ ՀՀ դրամի չափով:**

2. Որոշման մասին հայտնել քաղաքացի Հաֆեզ Հեյդարի Յուսեֆզադեհիին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում՝ կամ ՀՀ վարչական դատարան երկու ամսվա ընթացքում:

Սույն որոշմամբ նշանակված փուլաճանաչի վճարման հաշվեհամարն է. 900005024055՝ 4 905 000 /չորս միլիոն
ինը հարյուր հինգ հազար/ ՀՀ դրամ, նշել 30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ

